



**Komisija za pitanja mladih, obrazovanje, kulturu i sport**

Broj: 01-45-82-48/24-1  
Lukavac, 25.04.2024.godine

Na osnovu člana 8. Odluke o izvršenju Budžeta Grada Lukavac za 2024.godinu („Službeni glasnik Grada Lukavac“, broj 1/24) i člana 4. Odluke o utvrđivanju kriterija za raspodjelu sredstava za podsticaj mladima („Sužbeni glasnik općine Lukavac“, broj: 3/08, 3/10 i 5/16), Komisija za pitanja mladih, obrazovanje, kulturu i sport r a s p i s u j e

**JAVNI POZIV  
za raspodjelu sredstava za podsticaj mladima u 2024.godini**

Raspisuje se Javni poziv za raspodjelu sredstava za podsticaj mladima u iznosu od 15.000,00 KM predviđenih Budžetom Grada Lukavac za 2024.godinu, u okviru potrošačke jedinice 01 - Gradsko vijeće, ekonomski kod 614324, funkcionalni kod 0160 - Projekti za udruženja mladih po Odluci Gradskog vijeća.

Maksimalan iznos sredstava koji se može dodijeliti po projektu je 3.000,00 KM.

**II**

Pravo prijave na Javni poziv imaju:

- registrovane omladinske organizacije sa sjedištem na području Grada Lukavac
- sekcije mladih osnovnog i srednjeg obrazovanja sa područja Grada Lukavac

**III**

Kandidovani projekti trebaju ispunjavati slijedeće uslove:

- da se odnose na oblast kulture, sporta, obrazovanja, ekologije i civilnog društva
- da su namjenjeni mladima što podrazumjeva:
  - a) kreativno izražavanje mladih kroz muziku, umjetnost (koncerti, sviranje muzičkih instrumenata, škola slikanja izložbe, pozorišne predstave i sl.
  - b) sportske aktivnosti
  - c) edukacije mladih ( npr.borba protiv aktuelnih poroka u društvu, kurs informatike, stranih jezika i sl.)
  - d) aktivnosti koje promovišu odgovoran odnos prema prirodi i unapređenju kvaliteta ljudskog života (uređenje, čišćenje, pošumljavanje životne sredine i sl.)
  - e) aktivnosti koje potiču mlade na veće učešće u društvenom životu, demokratiju, toleranciju i ravnopravnost spolova, promovisanje volonterizma i sl.
  - f) infrastrukturne-društvene sadržaje za mlade (uređenje igrališta, sportskih poligona, vanjskih igraonica za djecu, parkova u krugu društvenih i školskih ustanova i sl),
- da se predloženi projekat realizuje do kraja budžetske godine u kojoj su sredstva odobrena
- da se uz projekat dostavi finansijski i opisni izvještaj o radu ukoliko su aplikanti bili korisnici budžetskih sredstava, a isti nisu dostavili u proteklom periodu.

#### IV

Finansijski se neće podržati:

- projekti usmjereni na promociju političkih partija
- projekti podnosioca zahtjeva sa druge općine
- projekti kojima se finasiraju bruto i neto plaće i osnovne djelatnosti
- projekti kojima je jedina svrha korist zaposlenih u pravnom licu
- projekti koji podrazumjevaju isključivu nabavku hrane, odjeće, namještaja, kancelarijskog materijala i sl.
- projekti predlagača koji ne ispunjavaju uvjete Kriterija za podsticaj mladima
- projekti udruženja koji svoje aktivnosti ne obavljaju u skladu sa zakonom i pravilima koja vrijede za nediskriminaciju na osnovu jezika, religije, nacionalnog ili socijalnog porijekla, političkog ili drugog mišljenja, spola, hendikepa ili starosti ili na bilo koji drugi način.

#### V

Uz prijavu na Javni poziv potrebno je dostaviti:

- prijavni obrazac (Prilog br.1)
- projekat na propisanom obrascu sa nazivom projekta i finansijskim planom (Prilog br.2)
- dokaz o sufinansiranju projekta – za one projekte koji imaju sufinansiranje ( ovjerena kopija, uvjerenja, izjave ili potvrde, garancija pravnog lica ili fizičkog lica koje će sufinansirati projekat, odnosno izvod sa bankovnog računa aplikanta kao dokaz da posjeduje sredstva predviđena za sufinansiranje)
- dokaz o pravnom statusu i djelatnosti podnosioca projekta (ovjerena kopija rješenja o registraciji)
- dokaz da je omladinska organizacija upisana u registar omladinskih organizacija kod nadležne općinske službe za upravu (uvjerenje Službe)
- saglasnost nadležne općinske službe za projekte koji se realizuju na javnoj površini (postavljanje klupa, korpi za otpatke, sadnice i slično)
- završni obračun (bilans stanja i uspjeha).

#### VI

Korisnici sredstava su dužni podnijeti izvještaj o realizaciji projekta i utrošku sredstava Komisiji za pitanja mladih, obrazovanje, kulturu i sport u roku od 30 dana od realizacije projekta. (Prilog br.3).

Korisnici sredstava su obavezni priložiti kopije fiskalnih računa ili uplatnice i fotografije o realizaciji projekta.

**Korisnicima sredstava koji nisu dostavili Izvještaj o realizaciji projekta Komisija neće odobriti sredstva za novi projekat.**

**Javni poziv će se objaviti na web stranici Grada Lukavac i na oglasnoj ploči Grada Lukavac dana 06.05.2024.godine.**

**Javni poziv ostaje otvoren zaključno sa 21.05.2024.godine, odnosno petnaest dana od dana objave istog.**

Prijave na javni poziv sa potrebnom dokumentacijom slati putem pošte na adresu: Trg slobode br.1 Gradsko vijeće Lukavac - Komisiji za pitanja mladih, obrazovanje, kulturu i sport ili putem pisarnice na istu adresu.

Prijavni obrazac aplikanti mogu preuzeti na web stranici [www.lukavac.ba](http://www.lukavac.ba) ili u prostorijama šalter sale Grada Lukavac.

NEPOTPUNE I NEBLAGOVREMENE PRIJAVE NEĆE SE RAZMATRATI.

PREDSJEDNIK KOMISIJE

Edina Osmić

